



## CONCELLO DE VILAR DE BARRIO (OURENSE)

Praza do Toural nº 10 C.P. 32.702 Tel. 988 44 90 01 Fax. 988 46 83 60 CIF. P-3209000-C  
<http://www.vilardebarrio.com> - E-Mail. [info@vilardebarrio.com](mailto:info@vilardebarrio.com)

**NOELIA RODRÍGUEZ MARTÍNEZ, Secretaria-Interventora do Concello de Vilar de Barrio.**

**CERTIFICO** que o Pleno da Corporación municipal do Concello de Vilar de Barrio adoptou, en data **2 de marzo de 2016**, o seguinte acordo:

### **8.- ADHESIÓN CONVENIO MARCO DE COOPERACIÓN DEPUTACIÓN PROVINCIAL-CONCELLO EN MATERIA DE TRANSPARENCIA E ACCESO Á INFORMACIÓN PÚBLICA.**

Visto o Convenio marco de cooperación de Deputación de Ourense coas Entidades Locais da Provincia en materia de transparencia e acceso á información pública, a tenor literal:

1º) *Obxecto.-*

*Constitúe o obxecto do presente convenio o establecemento do marco regulador das accións de cooperación da Deputación Provincial de Ourense coas entidades locais da provincia en materia de transparencia, coa finalidade de garantir o pleno cumprimento, na totalidade das administracións locais da provincia, do establecido na Lei 19/2013, de 9 de decembro, de Transparencia, Acceso á Información Pública e Bo Goberno.*

*As accións de cooperación provincial na dita materia reguladas no presente convenio son as seguintes:*

a) *Cooperación para o cumprimento das obrigas de publicidade activa das entidades locais, mediante encomenda de xestión á Deputación, realizándose a dita publicidade activa a través do Portal da Transparencia de Ourense.*

b) *Prestación de asistencia xurídica e administrativa para a tramitación dos expedientes de solicitude de acceso á información pública.*

2º) *Cooperación en materia de publicidade activa: encomenda de xestión á Deputación Provincial para o cumprimento das obrigas de transparencia activa das entidades locais adheridas Portal da Transparencia de Ourense.*

*1. As entidades locais adheridas ao presente convenio marco transfiren á Deputación Provincial de Ourense o exercicio, en réxime de encomenda de xestión, da actividade material de publicación no Portal de Transparencia de Ourense da información propia das ditas entidades locais adheridas sinalada nos artigos 6, 7 e 8 da Lei 19/2013 de 9 de decembro, de Transparencia e Bo Goberno.*

*2. Con fin de garantir un axeitado desenvolvemento da dita encomenda de xestión, a Deputación e as entidades adheridas asumirán as seguintes obrigas:*

*A) Obrigas da Deputación Provincial de Ourense: a Deputación Provincial de Ourense asume, en execución do presente convenio, as seguintes obrigas:*

a) *Poñer en funcionamento, a partir do 10 de decembro de 2015, o Portal da Transparencia de Ourense, asumindo a súa xestión e mantemento, de acordo coas seguintes especificacións:*

a.1) *O Portal da Transparencia constituirá unha paxina web de titularidade da Deputación Provincial de Ourense na que se publicará a información esixida na Lei de Transparencia e Bo Goberno referida á Deputación Provincial de Ourense e ás entidades locais adheridas, así como calquera outra información adicional cuxa publicación consideren de interese público o goberno provincial ou os gobernos locais adheridos. Igualmente, no Portal figurará información sobre as condicións para o exercicio do dereito de acceso á información pública, facilitándose a formulación de solicitudes telemáticas dende o propio Portal.*

a.2) *O Portal adecuarase aos seguintes principios:*



## CONCELLO DE VILAR DE BARRIO (OURENSE)

Praza do Toural nº 10 C.P. 32.702 Tel. 988 44 90 01 Fax. 988 46 83 60 CIF. P-3209000-C  
<http://www.vilardebarrio.com> - E-Mail. [info@vilardebarrio.com](mailto:info@vilardebarrio.com)

- *Accesibilidade*: proporcionar información estruturada, clara e comprensible sobre os documentos e recursos de información, con vistas a facilitar a identificación e procura da información.

- *Interoperabilidade*: a información publicada será conforme ao Esquema Nacional de Interoperabilidade, aprobado polo Real Decreto 4/2010, de 8 xaneiro, así como ás normas técnicas de interoperabilidade que resulten de aplicación.

- *Reutilización*: a información será publicada en formatos que permitan a súa reutilización, de acordo co previsto na Lei 37/2007, de 16 de novembro, sobre reutilización da información do sector público e na súa normativa de desenvolvemento.

a.3) O Portal porá a disposición de cada entidade local adherida un espazo propio e diferenciado, personalizado co seu logotipo e imaxe corporativa, susceptible de acceso directo dende a páxina principal do Portal. No dito espazo se publicará, debidamente estruturada, a información relativa á entidade local interesada. Ademais, as solicitudes de información relativas á entidade local poderán presentarse telematicamente a través do Portal.

b) Subministrar ás entidades locais adheridas instrucións concretas e precisas sobre a información que debe remitirse á Deputación, a periodicidade con que debe levarse a cabo a dita remisión e o formato en que debe enviarse, asesorando en todo momento ao persoal municipal en canto aos requisitos de elaboración e envío de información. A remisión destas instrucións realizarase telematicamente, sen prexuízo da posibilidade de efectuar consultas telefónicas ou visitas informativas de carácter presencial, nos casos en que se considere necesario.

c) Examinar a información remitida, e, de se-lo caso, recomendar a emenda das deficiencias advertidas para o seu axuste ás esixencias establecidas na Lei de Transparencia e Bo Goberno e na normativa sobre protección de datos. Se a entidade local rexeita expresamente realizar as emendas recomendadas, a Deputación Provincial publicará igualmente a información remitida, baixo a responsabilidade exclusiva da entidade remitente. Non obstante o anterior, a Deputación Provincial non publicará en ningún caso información que vulnere o establecido na lexislación sobre protección de datos, podendo proceder, de oficio, a realizar as operacións de disociación precisas para garantir o cumprimento da dita normativa.

d) Designar un interlocutor único coas entidades locais adheridas para a remisión de información, formulación de consultas, resolución de incidencias e formulación de queixas e suxestións en relación co Portal de Transparencia.

B) *Obrigas das entidades locais adheridas*: as entidades locais adheridas asumen as seguintes obrigas:

a) Designar unha persoa responsable do cumprimento das obrigas derivadas do presente convenio, coa que se entenderán todas as actuacións necesarias para a súa execución.

b) Remitir a información obxecto de publicación en prazo e no formato e cos requisitos que se indiquen dende a Deputación Provincial. A remisión realizarase telematicamente e unicamente polo responsable autorizado a que se refire o apartado anterior, mediante sistemas que garantan a identidade do dito responsable autorizado.

c) Establecer un enlace directo ao Portal da Transparencia de Ourense na súa sede electrónica ou páxina web principal.

3. Como titular do espazo web do Portal da Transparencia de Ourense, a Deputación de Ourense resérvase a facultade de denegar a publicación de información que afecte a datos protexidos, conforme á normativa de protección de datos, ou de proceder á súa disociación, de ser isto posible. Tanto a denegación da publicación como a decisión de disociar a información adoptaranse mediante resolución da Presidencia, que será notificada á entidade local interesada.



## CONCELLO DE VILAR DE BARRIO (OURENSE)

Praza do Toural nº 10 C.P. 32.702 Tel. 988 44 90 01 Fax. 988 46 83 60 CIF. P-3209000-C  
<http://www.vilardebarrio.com> - E-Mail. [info@vilardebarrio.com](mailto:info@vilardebarrio.com)

*En todo caso, e transcorridos tres meses dende a recepción da información pola Deputación sen que se teña adoptado a decisión de denegación da publicación ou disociación da información, entenderase autorizada por acto presunto a súa publicación.*

*4. En virtude do acto de adhesión ao presente convenio, as entidades locais adheridas autorizan á Deputación á publicación no Portal da Transparencia de cantas informacions e documentos remitan a través da persoa responsable designada no acordo de adhesión ou nun acto posterior. En consecuencia, a Deputación Provincial non precisará autorización específica para a publicación das sinaladas informacions e documentos, entendéndose esta outorgada, con carácter xeral, pola adhesión ao convenio marco.*

*5. A información publicada no Portal de Transparencia estará dispoñible indefinidamente. A retirada da dita información do Portal requirirá resolución expresa do órgano competente da entidade local interesada, da que se deixará constancia no Portal.*

*3º) Solicitudes de acceso á información pública formuladas a través do Portal da Transparencia.*

*Calquera persoa interesada poderá formular, telematicamente e a través do Portal da Transparencia, solicitudes individualizadas de información pública de que sexan titulares as entidades locais adheridas. Para estes efectos, as ditas solicitudes quedarán rexistradas no Rexistro Electrónico de Entrada da Deputación, cos efectos previstos no artigo 38.4 da Lei 30/1992, de 26 de novembro, de Réxime Xurídico das Administracións Públicas e Procedemento Administrativo Común.*

*A Deputación Provincial remitirá as ditas solicitudes ás entidades locais adheridas, para a súa tramitación e resolución, sen prexuízo da posibilidade de prestación da asistencia prevista na cláusula seguinte, en caso de solicitarse pola entidade local interesada.*

*4º) Outras accións de asistencia técnica e xurídica en materia de transparencia.*

*A Deputación Provincial prestará ás entidades locais adheridas, previa solicitude ao respecto polo responsable designado no acto de adhesión, asistencia xurídica, técnica e administrativa na tramitación dos procedementos individualizados de acceso á información pública, informando ás entidades locais sobre os trámites a seguir, facilitando modelos de documentos para a tramitación dos expedientes e emitindo os informe xurídicos precisos, en caso de ser necesario.*

*5º) Carácter gratuito das accións de cooperación e asistencia previstas no presente convenio marco.*

*As accións de cooperación e asistencia prestadas pola Deputación a través do presente convenio marco terán carácter gratuito para as entidades locais adheridas*

*6º) Procedemento de adhesión ao convenio marco*

*1. Para a adhesión ao convenio marco, as entidades locais interesadas deberán remitir o correspondente certificado do acordo de adhesión, conforme ao modelo recollido no anexo I, mediante acordo adoptado polo Pleno municipal co quórum esixido no artigo 47.2.h) da Lei 7/1985, de 2 de abril reguladora das bases do réxime local, ou órgano competente no caso doutras entidades locais. No dito acordo deberá incluírse a designación de persoa responsable de transparencia da entidade local peticionaria, coa que se realizará o intercambio de información e arquivos, exclusivamente mediante procedementos telemáticos.*

*7º) Control do exercicio da encomenda de xestión por parte das entidades locais adheridas.-*

*As entidades adheridas poderán realizar un control e seguimento do exercicio da encomenda conferida mediante a solicitude de información detallada, en calquera momento, das actuacións realizadas. Poderán ademais formular as suxestións, queixas o reclamacións que estimen oportunas, que deberán ser contestadas por escrito pola Deputación Provincial no prazo máximo de quince días hábiles.*

*8º) Vixencia e eficacia do convenio*



## CONCELLO DE VILAR DE BARRIO (OURENSE)

Praza do Toural nº 10 C.P. 32.702 Tel. 988 44 90 01 Fax. 988 46 83 60 CIF. P-3209000-C  
<http://www.vilardebarrio.com> - E-Mail. [info@vilardebarrio.com](mailto:info@vilardebarrio.com)

*O presente convenio terá vixencia indefinida, gozando de plena eficacia, para cada entidade local adherida, no prazo de quince días hábiles contados a partir da data de recepción pola Deputación do acordo de adhesión axustado ao modelo recollido no anexo I.*

*9º) Extinción e modificación do convenio*

*1. O presente convenio poderá extinguirse polas seguintes causas:*

*a) Por denuncia unilateral de calquera das entidades locais adheridas, sen necesidade de alegar ningún tipo de causa. En todo caso, a denuncia deberá comunicarse cunha antelación mínima dun mes respecto da data da súa efectividade.*

*b) Por resolución unilateral da Deputación, con respecto ás entidades adheridas que incumpran as súas obrigas convencionais esenciais. A resolución adoptarase pola Deputación, previa audiencia da entidade local afectada, mediante resolución da Presidencia, contra a que poderán exercerse as accións previstas no ordenamento xurídico.*

*c) Pola declaración da súa extinción, co carácter xeral, e para todas as entidades adheridas, por parte da Deputación. Esa declaración corresponderá ao Pleno da Deputación, terá carácter motivado e deberá adoptarse previa audiencia das entidades adheridas e cunha antelación mínima dun ano respecto da data da súa efectividade. Non obstante, este prazo non será de aplicación no caso de que a extinción obedeza a unha causa de forza maior.*

*2. A Deputación Provincial poderá modificar unilateralmente o convenio, previa audiencia das entidades adheridas, por razóns de oportunidade. En todo caso, as modificacións entrarán en vigor no prazo mínimo dun mes dende a súa aprobación, agás que exista causa xustificativa para o establecemento dun prazo menor.*

*10º) Suspensión temporal do convenio:*

*A eficacia do convenio poderá suspenderse, de forma temporal, e exclusivamente por causas de forza maior, mediante resolución da Presidencia da Deputación, da que, en todo caso, darase conta ás entidades adheridas á maior brevidade, e, de ser posible, con anterioridade á data de inicio da suspensión.*

*11º) Natureza e réxime xurídico.-*

*O presente convenio terá natureza administrativa, correspondendo á xurisdición contencioso administrativa a resolución das controversias sobre a súa validez, eficacia, efectos e extinción. Corresponderá, en todo caso, á Deputación, a través da súa Presidencia, a resolución en vía administrativa das reclamacións respecto da execución e interpretación do convenio que poidan formular as entidades adheridas, sen prexuízo da posibilidade de impugnación dos actos que se diten no exercicio desta facultade conforme ao previsto no ordenamento xurídico.*

*Anexo I: Modelo da parte dispositiva do acordo de adhesión ao convenio marco de cooperación da Deputación de Ourense coas entidades locais da provincia en materia de transparencia e acceso á información pública.*

*1º) Aprobar a adhesión do concello / mancomunidade / consorcio / entidade local menor de .... ao convenio marco de cooperación da Deputación de Ourense coas entidades locais da provincia en materia de transparencia e acceso á información pública.*

*2º) Transferirle á Deputación Provincial de Ourense, en réxime de encomenda de xestión, o exercicio das actuacións materiais de publicación no Portal da Transparencia de Ourense da información prevista nos artigos 6, 7 e 8 da Lei 19/2013, de 9 de decembro, de Transparencia, Acceso á Información Pública e Bo Goberno, nos termos previstos no dito convenio.*

*3º) Designar como persoa responsable da execución do convenio a... Non obstante o anterior, fúciase expresamente ao alcalde/ presidente para a súa substitución, así como para o nomeamento de suplentes, dando conta a Pleno."*

Vista a proposta de Alcaldía sobre a aprobación da adhesión do Concello de Vilar de Barrio ó convenio marco de cooperación da Deputación de Ourense coas Entidades Locais da provincia en materia de transparencia e acceso á información pública:



## CONCELLO DE VILAR DE BARRIO (OURENSE)

Praza do Toural nº 10 C.P. 32.702 Tel. 988 44 90 01 Fax. 988 46 83 60 CIF. P-3209000-C  
<http://www.vilardebarrio.com> - E-Mail. [info@vilardebarrio.com](mailto:info@vilardebarrio.com)

*“Vista a Lei 19/2013, de 9 de decembro, de Transparencia, Acceso á Información Pública e Bo Goberno.*

*Visto o Convenio Marco de Cooperación da Deputación de Ourense coas Entidades Locais da provincia en materia de transparencia e acceso á información pública, que ten como obxecto o establecemento do marco regulador das accións de cooperación da Deputación coas Entidades en materia de transparencia, coa finalidade de garantir o pleno cumprimento da referida Lei.*

*O Alcalde, en virtude das facultades que lle son atribuídas pola normativa, fai a seguinte PROPOSTA ó Pleno do Concello para a súa aprobación:*

*1º) Aprobar a adhesión do concello de Vilar de Barrio ó convenio marco de cooperación da Deputación de Ourense coas entidades locais da provincia en materia de transparencia e acceso á información pública.*

*2º) Transferirlle á Deputación Provincial de Ourense, en réxime de encomenda de xestión, o exercicio das actuacións materiais de publicación no Portal da Transparencia de Ourense da información prevista nos artigos 6, 7 e 8 da Lei 19/2013, de 9 de decembro, de Transparencia, Acceso á Información Pública e Bo Goberno, nos termos previstos no dito convenio.*

*3º) Designar como persoa responsable da execución do convenio á funcionaria D<sup>a</sup> Sabina Ojea Fernández e como suplente ó funcionario D. Manuel García Rodríguez.”*

Sométese a debate a proposta: (...)

A proposta sométese a votación, resultando aprobada por unanimidade, resultando os seguintes votos:

Votos a favor: 9 votos (5 votos do P.P., 2 votos do PSdeG-PSOE e 2 votos do Grupo Mixto).

En consecuencia, o pleno da corporación, adopta o seguinte **ACORDO**:

**1º) Aprobar a adhesión do concello de Vilar de Barrio ó convenio marco de cooperación da Deputación de Ourense coas entidades locais da provincia en materia de transparencia e acceso á información pública.**

**2º) Transferirlle á Deputación Provincial de Ourense, en réxime de encomenda de xestión, o exercicio das actuacións materiais de publicación no Portal da Transparencia de Ourense da información prevista nos artigos 6, 7 e 8 da Lei 19/2013, de 9 de decembro, de Transparencia, Acceso á Información Pública e Bo Goberno, nos termos previstos no dito convenio.**

**3º) Designar como persoa responsable da execución do convenio á funcionaria D<sup>a</sup> Sabina Ojea Fernández e como suplente ó funcionario D. Manuel García Rodríguez.**

E para que conste, expido a presente coa salvedade do art. 206 do Regulamento de organización, funcionamento e réxime xurídico das entidades locais aprobado por R. D. 2568/1986, de 28 de novembro, co Visto e Prace do Sr. Alcalde, en Vilar de Barrio, a 2 de marzo de 2016.

Vº e prace,

O Alcalde,

Asdo. Julio Pérez Carballo

A Secretaría,

Asdo. Noelia Rodríguez Martínez

